

Käzel.

Durch Feures Art/
 Gezeugt ich wardt/
 Durch die Natur gebohren:
 Die Wis mich lehrt/
 Zeit/ vnd Kunst nehrt/
 Sonst heet man mich verlohren.
 Mein Macht ist groß/
 Vnd steht doch bloß/
 Wann ich drey Ding verzehre/

Drey Söhn: als Klag/
 Zorn/ Niderlag/
 Thue ich mit Knall geben.
 Mein Freund raht zu/
 Was bin ich nu:
 Woher bin ich wol kommen?
 Was für ein Thier/
 Machstu auß mir?
 Wo hastu mich genommen?

Das Büchsen Pulffer zu machen.

Dieses wird nun von drey sonderbaren Stücken zusammen gesetzt / das Erste vnd Principal Stück ist der Salpeter/ das ander der Schwefel/ vnd das dritte die Kolen/ das erste ist sein Stärke/ macht den Gewalt / das ander ist brünstig das Feuer zu empfangen / das dritte aber leuirt oder erhöht die ander beyde/ vnd machts in die Luft fahren/ dannenhero keines ohne Hülfß des andern / ichtwas zu thun vermag / dergestalt / vnd mit übereinstimmung aller drey obstehenden materialien, so hats Gewalt / Brunst/ vnd Erhöhung/ zu welchem aber noch das vierdte/ doch vnbegreiflichs Mittel/ muß bengeordnet werden / nemblich die Arbeit des Stossens/ auff der Pulffermühlen / damit hierdurch alle drey Stück recht in einander vermengt / vnd wol vereinbart werden. Gleichwol / vnd ohne den Stoß/ thut es zwar auch brennen / es hat aber weder krachen noch schnöllen / vnd also keinen gewaltsamen trib. Hierauß dann volgt/ daß je länger ein Pulffer gestossen / vnd wol incorporirt wird / je kräftiger vnd gewaltsamern trib es zu thun vermögt ist. Nun werden aber gar vnterschiedliche Pulffer gemacht / jedoch allein drey Sorten am mainsten gebraucht. Erstlich so ist das Carthaunen Pulffer/ zum gar groben Geschütz/ Fürs ander Haften oder mezan Pulffer / zu den kleinern Rohren von den Falchaunen bis auff die Doppelhacken / Vnd dann das dritte fein Pürsch Pulffer / zu den Musqueten vnd Pürschrohren zu gebrauchen/ welche Satz vnd Zubereitungen hernach gar ordentlich vnd recht verrewlich beschrieben werden.

Discurs
 über das
 Büchsen
 Pulffer.

Carthaunen Pulffer Satz.

Es werden. 100. pf. Salpeters vom Ersten vnd Andern Sutt/ des hievor angedeuteten in Stengel gelduterten Salpeters (je eines so viel als des andern) genommen/ Ferner .21. pf. Schwefel / vnd .24. pf. Kolen darunder gemengt/ alsdann diese Materialien wol durch einander gemischt/ mit Brunnenwasser / doch nit mehr / dann allein so viel / damit der Zeug nit staube/ angefeucht. Dann wann er gar zu naß were/ so kehrt er sich im Mörser oder Stampff nit recht vmb / weicht beyseits / vnd werden alsdann die Böden in gedachten Mörsern übel zerstoßen. Im aegentheil aber / vnd wann er gar

r gar